

اسم الله الأكرم | #محاضرة | د. حازم شومان

حازم شومان

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله. واليك يرجع الامر كله لبيك يا ربنا وسعديك. والخير كل الخير في يدك والشر ليس اليك. نحن بك واليك تباركت وتعاليت نستغفرك ونتوب - [00:00:00](#) اليك. اللهم صل على النبي محمد وعلى ازواجه امهات المؤمنين وعلى ذريته وال بيتك انك حميد مجيد. اما بعد فاشهد الله سبحانه وتعالى اني احبكم في الله. واحترمكم في الله. يعني الواحد بينظر اليكم يا اخواني في الله والله وهو قلبه يتحرك حينما يعني ايه - [00:00:25](#)

انا باجي بعيني كده يمين شمال يعني ممكن ما بركزش على يعني كل الوجوه وجه ولكن باحس ان انا قاعد قدام كنوز. باحس ان كل واحد من اللي قاعدين ممكن بكرة - [00:00:45](#) يبقى يعني قائد من القواد اللي بيقفوا على ثغر من ثغور نصره الدين في الارض ما تستقلش بنعمة ربنا عليك. الاسم من اسماء الله الحسنى اللي هنتكلم عنه النهاردة بيعلمك انك انت اوعى تستقل بنعمة ربنا عليك. اوعى تستقل باللي ممكن ربنا يعمله لك. ربنا ممكن يعمل لك حاجات كتير اوي - [00:00:55](#)

اخواني في الله الاسم من اسماء الله الحسنى اللي هنتكلم عنه النهاردة وبازن الله سبحانه وتعالى. آآ يعني الواحد كسب من وراه كتير بصراحة. يعني النهاردة وانا ايه الدرس النهاردة؟ يعني رزقت خمسة وعشرين الف جنيه. يعني بس هو مش خمسة وعشرين الف جنيه في ايدي يعني لكن - [00:01:15](#)

كان واحد علي ليه دين كده وتاعبني يعني بفضل الله يعني ايه ربنا رزقني ان الدين ده سقط يعني وانا قاعد والله يا اخواني سبت الورق بقى وسبت الكتب وسبت القصص واللييلة ديت كلها - [00:01:35](#) ومتان متوضي ومصلي لربنا يعني ايه يعني خلاص ما هو ربنا سبحانه وتعالى يعني هنتحدث النهاردة ان شاء الله عن اسم الله الاكرم اسم الله الاكرم. يبقى الموضوع مش على قد خمسة وعشرين الف جنيه ده دي البداية بس. ده احنا ايه ده احنا ان شاء الله هنهيص ان شاء الله بازن الله. يعني كل واحد منكم كده يحط - [00:01:45](#)

في بطنه ايه شادر بطيخ كده وينتزر عطاءات. الله الاكرم سبحانه وتعالى. نبدأ بما بدأ به الله. اول اسم من اسماء الله الحسنى نزل في القرآن هو اسم الله الاكرم. اقرأ باسم ربك الذي خلق. خلق الانسان من علق. اقرأ وربك الاكرم. اخواني واحبابي في الله - [00:02:05](#)

في طريق تقلوط لما طالوط فصل بالجيش اللي كان سبعين الف واحد. لما جه النهر اللي القرطبي قال انه يعني يمثل الدنيا او ان يعني النهر ده على قد مقدار حب الدنيا في القلب على قد ما الجيش هيشرب او مش هيشرب اللي عدى النهر تلتمية واربعناشر واحد من سبعين الف واحد - [00:02:25](#)

نسبة السبات في الطريق ده خمسة في الالف. المفروض اني لما اقول الكلام ده انت هتترعب ليه ؟ لان لما النبي عليه الصلاة والسلام قال للصحابه حديس بعث النار ان نسبة النبي - [00:02:45](#)

جه في الاخرة واحد في القلب ها النبي قال ان اللحظة دي هي اللي هتضع كل ذات حمل حملها واللي هيشيب فيها الولدان. لما الناس تعرف ان نسبة النجاة واحد في الالف. طب انا باقول لك ان نسبة النجاة خمسة في الالف. انت ازاي ما انتاش خايف ؟ انا باقول لك ان نسبة السبات في هذا الطريق خمسة في الالف. انت ازاي ما تتخيل - [00:02:55](#)

اخواني في الله لو عايز تثبت لازم تعرف الهدف اللي انت رايع له. لازم تعرف الله. لازم تتعرف على الله. على قد ما هتتعرف ربنا على قد ما هتثبت في طريق ربنا وانا باقرأ الفاتحة كده. الواحد بيلقي نفسه بيوقف غصب عنه في قول الله الرحمن الرحيم. غصب عني بلاقى نفسي بفكر ايه ده! هو - [00:03:15](#)

الطريق اللي احنا ماشيين فيه ده طريق الرحمن الرحيم. يعني ده احنا ياما مستئينا رحمت بس احنا نصدق وعود ربنا سبحانه وتعالى. قال تعالى لو انزلنا هذا القرآن على جبل لرأيت خاشعا متصدعا. لو الكلام اللي القرآن دا هو اتكلمه عن ربنا - [00:03:35](#) لو الكلام اللي القرآن داهو اتكلمه عن جلال ربنا وعن عزمة ربنا نزل على جبل مش نزل على قلب بشر الجبل نهار لرأيت خاشعا متصدعا من ايه ؟ من خشية الله لرأيت خاشعا متصدعا من خشية الله. يعني - [00:03:55](#) الجبل من الكلام اللي هيسمعه عن ربنا في القرآن ده هو هينهار. فين قلوبنا يا جماعة؟ القرآن بيكلمك عن ربنا كلام يزلزل القلب الحي اكثر حاجة بتحبي القلوب هي الكلام عن الله. اكثر حاجة بتهمز القلوب هي الكلام عن الله. اكثر حاجة هتغير لك صلاتك وهتغير لك عبادتك. وهتخليك - [00:04:15](#)

انسان تاني وهتلمي العزيمة جواك. وهتقلب كل شيء في حياتك. لما لم تكن تتخيل انه يبجي هي معرفة ربنا سبحانه وتعالى. هنتكلم النهاردة عن اسم من اسماء الله الحسنى. يعني اسم هيملى حياتك فرح برنا. هيملى حياتك امل. هيملى حياتك شوق لبكرة وفرح - [00:04:35](#)

باللي جاي لان اسم الله الاكرم ده يا جماعة لما نعيش معه الوقتي يعني سبحان الله العظيم يعني الواحد قاعد يعني انت عارف انت انت عايز تروح جزيرة في بعيدة وتعيش مع المعاني ديت من الجمال اللي فيها انت مش عايز تشوف بشر اصلا. اسم الله الاكرم. يعني لا انسى ابدًا. لما واحد كان بيكلمني مرة - [00:04:55](#)

على واحد من يعني الناس الاسراء جدا فيقول لي يا اخي ده يعني انا اسمع ان اللي بيروح له بيدي له اقل حاجة متين الف جنيه. انا انت حسيت ان انا خايف. غاير على مقام ربنا في القلوب. بيروح لمين يا ابني؟ ومتين الف ايه يا ابني! وانت بتتكلم على ايه! قلت له ربنا اكرم منه. وربنا - [00:05:15](#)

اعظم منه وربنا اغنى منه. اللي عايز يروح لده يروح. انما اللي يروح لربنا هيشوف ربنا هيدي له ايه. وهيشوف ربنا سبحانه وتعالى هيعمل له ايه ربنا لما بيدي يا جماعة بيدي ربنا لما بيدي اذا اعطى ادهش ربنا لما بيدي يا اخوانا في الله يعني تخيل كم مرة شفى كم مرة هدى كم - [00:05:35](#)

مرة رفع كم مرة رزق؟ تقدر تحسبها؟ تقدر تحسب اللي خرج من خزائن ربنا للبشر قد ايه؟ تقدر تحسب عطاءات ربنا للبشر قد ايه تقدر تحسب ربنا عمل للبشر ايه فيه مخلوق يقدر يحسب؟ يقدر يحسب ربنا عمل للناس قد ايه؟ اسم الله الاكرم يعني - [00:05:55](#) واسم ذكر في القرآن الكريم في سورة العلق. يعني اول مشهد يا جماعة. اول مشهد في القرآن. انا عايزك تركب معي في اول مشهد في القرآن. وربنا بيقول للنبي مشهد عجيب. اقرأ باسم ربك الذي خلق. اقرأ وربك الايه؟ اقرأ باسم ربك الذي خلق. خلق الانسان منه - [00:06:15](#)

علق. العلقه دي حته نقطة دم. حته نقطة دم ما فيهاش اي ملمح من ملامحك. ولا فيها اي خلية متميزة لاي شيء اصلا. عشر ثلاث خلية بسيطة كده جنب بعض بيكونوا نقطة تم ماسكة في الرحم بحتة شعرة كده بقتلة كده رفيعة هتبقى بعد كده الحبل - [00:06:35](#) السري حته نقطة دم واقفة كده ولا فيها اي تميز في اي شيء. فرنا بيقول لك خلق الانسان من ايه؟ من علق. اقرأ وربك الايه اكرم ايه علاقة اسم الله الاكرم بالعلق يا اخوانا العلقه دي في خلال تسع شهور هيبقى عندها كمية اعضاء العضو الواحد مليار - [00:06:55](#) الدنيا ما تجيوش. مين فينا يبيع كلاته بمليار جنيه؟ مين فينا يبيع كبده بمليار جنيه؟ انت جواك مية وعشرين الف صفة في خلقك. في شهور ربنا بيقول لك خد خد عارف يعني ايه مية وعشرين الف صفة؟ يعني انت كل يوم كنت بتاخذ خمسمية خمسمية صفة - [00:07:15](#)

من صفات الخلق بتاعتك في الرحم خد خد كبد خد حوصلة مرارية خد عمود فقري خد نخاع شوقي خد مخ خد عينين خد ابن خد

شفافيف. خد انف. خد قلب. خد رئتتين. خد كلّى. خد حالب. خد مئانة. خد رجلين. خد صوابك - 00:07:35

خد خد خد المنزر اللي بيحصل في الرحم ده يا جماعة منزر فوق تخيل اي انسان. ده انت تسع شهور بينهم عليك كمية اكرامات من الله. كمية عطاءات من الله. مية وعشرين الف مكون للجسم بتاعك داهو. مية وعشرين - 00:07:55

الف مكون طربي انت كل يوم كنت بتاخذ خمسمية عطاء. كل عطاء منهم مليارات الدنيا ما تقدرش تعوضه لو راح منك. اقرأ فربنا بيقول لك خلق الانسان من علق. اقرأ وربك الاكرم. انت عايز تعيش اسم الله الاكرم ثاني. انت عايز الكرم اللي انهمر عليك في الرحم يجي لك ثاني - 00:08:15

ادخل الرحم الثاني. ايه هو الرحم الثاني؟ الحياة مع القرآن. مش النبي قال ان لو جلس قوم في بيت الله يتدارسون كتاب له يتلون غشيتهم الرحمة. يعني ايه غشيتهم الرحمة؟ نفس المنزر بتاع الرحم. وهو لافف حوالين الجنين من كل ناحية. يعني القرآن ده -

00:08:35

بيديك فرصة ثانية انك تعيش في اكرام ربنا وتنهمر عليك العطاءات. زي ما انهمرت عليك وانت جنين. انا عايزك لما تروح تقف مع نفسك وتفكر في حنة اكرام ربنا لك وانت جنين. في حنة انهمار العطاءات على كل واحد منا الف العطاءات يا اخوانا. انت وانت -

00:08:55

تيمم كل كل دقيقة بيتكون فيك متين وخمسين مليون خلية عصبية. انت وانت جنين في اول تمن اسابيع وانت لسة صنف واحد اقل من عقلة الصابع اقل من البستياية اللي تتحط. قلبك قلبي هو انا سنتي بيبقى عندي قلب؟ اه بيبقى عندك قلب. وانا سنتي وبيبقى كل

00:09:15 -

كل اعضاء جسمك اتخلقت جوة السنّي دهو وبدأت تتخلق في اول تمن اسابيع القلب بينبض سبعة ونص مليون نبضة اقرأ وربك الاكرم عايز تعيش في العطاءات دي عايز تنهمر معك. اقبل على كتاب الله. يعني ايه اسم الله الاكرم يا جماعة؟ الاكرم اول حاجة ممكن يكون افعل تفضيل يعني ايه - 00:09:35

بيقول لك فلان اجمل من فلان. فلان احسن من فلان. فلان ازكى من فلان. فلان اقوى من فلان. فلما اقول لك ربنا الاكرم. يعني ايه الاكرم؟ اول حاجة الاكرم الاكرم من اي بشر يا جماعة. قعدت احاول ادور كده اشوف كرم البشر ايه. ما انا عايز اعيش مع معنى كرم ربنا سبحانه وتعالى. اشوف البشر اللي اتضرب بهم المسل - 00:09:55

في الكرم. ما هو ربنا بيقول لك هو الاكرم اللي اكرم من اي حد. اللي اكرم مهما كرم بشر زهل البشر. كرم ربنا لا يمكن ان اي كرم بشر ييجي جنبه لقيت ان قصص الكرم بتاعة الناس قصص تودي لدرجة ان حاتم الطائي القيصر بتاع الروم - 00:10:15

صلوا اخبار الكرم بتاعه. حاتم الطائي ده لحد دلوقتي في حائل في السعودية اللي عارف في السعودية مدينة حائل. فيها الموقدة بتاعته. اللي كان على طول النهار بيوت بيدبح عليها الجمال وتوقد عليها الجمال عشان كل اللي معدي ييجي ياكل عند حاتم الطاهر لحد النهاردة الموقدة بتاعة حاتم الطائي موجودة في حائل - 00:10:35

السعودية. حاتم الطائي القيس قيصر الروم سمع عن الكرم بتاعه. وسمع ان عنده فرس نادر في الدنيا كلها. فبعث له واحد اطلب منه الفرس ده من غير ما يقول له انه من عند قيصر. حاتم الطائي في الوقت ده كان مخلص كل الجمال اللي عنده دابحها للناس. فلما جا له الضيف ما لقاش غير الفرس ده يدبجه. دبجه - 00:10:55

قولوا وطبخوا له. فالراجل وهو بيتكلم معه بدأ يفهمه جاي ليه وملك الروم عايز منه ايه؟ فقال له للاسف الفرس اللي انت طلبوا مني هو اللي انت بتاكل منه الوقتي داهو. يا جماعة قصص حاتم الطائي ده مرة جا له ثلاثة ادى لكل واحد وهو ماشي هدية كده بس تسعة وتلاتين جمل. وهو ماشي - 00:11:15

كده يعني ايه؟ هدية بس لكل واحد وهو ماشي كده. امال ربنا يديك ايه؟ امال ربنا لما يديك هيعمل لك ايه؟ امال ربنا حسن ابن علي لا جا له واحد مرة - 00:11:35

بيقدم له ورقة كده فيها طلب حسن بن علي ما بصش للورقة وقام على طول خاتم ادوها له ادوا له اللي فيها افرض طالب مليون

جنيه افرض طالب عشرة مليون جنيه - 00:11:45

افرض طالب ارض من اراضي الدولة في منطقة خطيرة بملايين افرض طالب مليون دينار. سيدنا الحسن رفض انه ينزر في الورقة اصلا اعتبر من الكرم انه ما ينزلش في الورقة اصلا. يعني اومال ربنا يا جماعة لما بيدي بيدي ايه؟ ولما بيدي بيدي ازاى؟ ولما بيفتح بيفتح - 00:11:55

قد ايه؟ اذا كان ده كرم المخلوق اذا كان النبي محمد عليه الصلاة والسلام اعطى لواحد غنم بين جبلين. الراجل راح لقومه يقول لهم ان محمد عليه الصلاة والسلام يعطي عطاء من لا يخشى الفقر. امال ربنا يعطي عطاء شكله ايه؟ امال ربنا لما بيدي بيدي عطاء شكله ايه؟ الله كرمه - 00:12:15

فوق كرم البشر حسين بن علي مرة واحد جاب ثلاثين ناقة فاضيين وراح نزل البلد اللي فيها الحسين عشان الناس تتصدق عليه بتمر عليهم. راح راح لواحد قام محمل له على جملين تمر. يعني قل مسلا الجمل بياخد له ميت كيلو تمر ولا حاجة. راح للحسين قال له هات كل الجمال بتاعتك - 00:12:35

خلاله الثلاثين جبل تمر. سبحان الله! يعني يا اخوانا ما فيش طلب مهما عزم الكريم ما بينهوش. يبقى انت لما بتسأل الاكرم سبحانه وتعالى ايه الطلب اللي ممكن ربنا ما يعملوش؟ ايه الطلب اللي ممكن ربنا ما يهده لكش؟ المعنى ده هنشوف الوقت واحدة واحدة مع بعض ممكن يقلب - 00:12:55

حياتك ازاى؟ ممكن يغير حياتك ازاى؟ ممكن يملئ حياتك فرح ازاى؟ ممكن يورك الدنيا بمنزور ثاني ازاى؟ واحد ناس راحوا يزوروا واحد من يا رب فدبح لهم جمل. فكانوا هياكلوا ايه يعني هياكلوا خمسة كيلو يعني من الجمل يعني! فتاني يوم دبح لهم جمل ثاني. فقالوا له الجمل الاولاني لسه زي ما هو. قال لهم - 00:13:15

الكريم لا يترك اضيافه يأكلون طعاما تغير. ده كان اكل امبارح خلاص. ما تمدوش ايديكم عليه هادبح لكم جمل ثاني. ايه ده! ده ده واحد من كرماء البشر لما بيدي بيدي حاجة بنضافة. بيدي حاجة لها قيمة. بيدي حاجة بجمال وبشياكة. اكرم الاكرمين لما - 00:13:35

يعطي هيعطيك ايه؟ هيعمل لك ايه يا جماعة؟ هيديك قد ايه؟ واحد من الاعراض ناس نزلوا عليه ضيوف قعد يدبح لهم كل يوم جمل. كل يوم جمل كل ففي الاخر اتكسر - 00:13:55

هم نفسهم وهم ماشيين خطوا له دنانير ذهب تكافى تمن الجمال وهم ماشيين. فلما عرف جري وراهم على الفرس بتاعه بالسيف. قال لهم يا تاخدوا وفلوسكم يا هقتلكم بالسيف دهو هتقتلهم؟ قال لهم اه الكريم يعطي بلا غرض. هو انا باديكم عشان عايز منكم حاجة؟ امال - 00:14:05

كده بقى بيعطيك بغرض الله يعطي بلا غرض. الله يعطي قبل ان تطلب. الله يعطي اعظم مما تطلب. الله يعطي بلا السبب الله يعطي بلا عوض. الله سبحانه وتعالى يعطي الله يعطي بمجرد التعرض. ووهبنا له اسحاق ويعقوب نافلة. قال لك نافلة - 00:14:25
بلا اي بلا دعاء. يعني من غير ما يطلب. من غير ما يطلب ربنا ادى له. قد نرى تقلب وجهك في السماء. النبي ببص في السماء وزعلان كده ربنا حول القبلة - 00:14:45

الكريم بيعطي بمجرد التعارض. الكريم بيفرح. بيفرح بالعطاء. كما اشد مما تفرح انت بالاخذ. يعني شف مسلا انت جاي لي اقوم فيك مسلا الف جنيه فرحان ان انت خدت الف جنيه انا فرحان اكثر. ربنا فرحان اكثر منا لما بناخد لما بيعطي - 00:14:55

سبحانه وتعالى ربنا بيفرح يا اخوانا لما لما بيعطي الله يحب العطاء ويحب العفو ويحب الجمال. سبحانه وتعالى ويحب المغفرة ويحب الرحمة يعني ايه الاكرم؟ الاكرم يعني اللي اكرم يعني يقول لك الراجل اللي بيدي متين الف جنيه زي اللي بيروح له اومال لما نروح لربنا يا جماعة ربنا - 00:15:15

امال لما نروح لربنا ربنا هيدينا ايه؟ الله! اومال انا لما بادعي الاجابة بتتأخر ليه؟ يا ابني ما تشوف المشكلة عندك انت. بيقول ضرب مسلا فاستمعوا له. ان راجل فلاح بسيط غلبان ماشي حافي. وجعان فقالوا له ان ملك البلاد هينزل يزور القرية بتاعتهم - 00:15:35

راح قال يا نهار ابيض! ده لو ملك البلاد اداني شوية عملات ذهبية! ده انا اقدر اشترى ارض! واقدر ابني فيها مكان! وابقى غني بعد

كده! وابقى باكسب من الارض بتاعتي مش - [00:15:55](#)

عائش اجير لا املك اي شيه. الفلاح قعد يستنى لحد اليوم اللي الملك نزل فيه. وهو عارف ان الملك ده بيقولوا عليه انه كريم وبيقولوا

عليه ان هو غني. الفلاح اول ما موكب - [00:16:05](#)

والملك عدى جري يا سيدي يا سيدي. الملك امرهم انهم يوقفوا الموكب. قال لهم ماذا؟ قال له مازا تريد؟ قال له يا سيدي انا عايز

شوية قطع ذهبية. هتغيرني كل حاجة في حياتي واشترى حنة ارض وابقى راجل صاحب املاك وهكسب بعد كده ويبقى معي فلوس

واخزن فلوس. فالملك لقي في ايده كده كيس كده - [00:16:15](#)

فيه شوية رز فالملك ضحك. قال له اعطني شيئا. قال له انا عايزك تديني حاجة. فالفلاح قال في نفسه ايه البخل ده! ده انا باقول له

هو اللي بيقول لي اديني الاقيه ايه البخل ده! فالفلاح اتخفق فقام مطلع من كيس الرز اللي هياكله هو وعياله النهاردة قام مطلع منه رز

- [00:16:35](#)

اية وقام مديها للملك. فالملك شكره ومشى. فرجع بيته وهو زعلان. ادى لمراته الرز عشان تطبخه. فزوجته جاية بتصرخ فجأة فيه ايه

؟ قالت له ده فيه رزاية ذهب جوة الرز. الفلاح صرخ ندمان. يا ليتني اعطيتك - [00:16:55](#)

الارز كله! هو اللي بيدي له رزاية! بيدي له صدى ذهب! يا ريتني كنت ادितه الرز كله! فهم ساعتها الكريم ازاى ؟ عامله صح وهو يدريك.

لما سيدنا ابو بكر الصديق طلع ما له كله لله عشان يعتق اخوانه. ربنا نزل سورة من القرآن - [00:17:15](#)

حسني فعل ابو بكر الصديق. سورة الليل فاما من اعطى واتقى وصدق بالحسنى فسنيسره. محبب قلب النبي فيه. وخلاه صديق الامة

وملى قلبه باليقين وفتح على ايده في الدعوة وعلمه الشريعة وخلاه خليفة رسول الله وفتح عليه في العباداة و - [00:17:35](#)

في وقته لدرجة انه كان في ساعة من اصبح صائما عاد مريضا تبع جنازة يقول انا يا رسول الله. وحدد فيه قلب النبي لحد ما النبي

كان ببزوره كل يوم في مكة يقعد معه جلسة الضحى وجلسة تسبيح الاصال معه لوحده. كل ده الكريم الاكرم اداه له - [00:17:55](#)

عشان طلع شوية دراهم. دراهم لوجه الله يعتق بها اخوانه. يا اخوانا لو عاملنا ربنا صح هناخد يعني ايه الاكرم اللي اكرم من اي خيال

واي تصور. مش اكرم من البشر بقى. اكرم من اي ازاى اكرم من اي خيال؟ الحديث اللي يبرك حديس سيدنا موسى ركز كده -

[00:18:15](#)

هو بيقول يا رب ما ادنى اهل الجنة منزلة يا رب! يا رب اقل واحد في الجنة اقل واحد في الجنة ده يا جماعة يعني ممكن يكون زنا

الف مرة مسلا والعياز بالله - [00:18:35](#)

ده اقل واحد في الجنة منزلة. يعني يعني ده المليارات اللي في الجنة ده اخر واحد. يعني الراجل اللي عمل تسعة وتسعين صحيفة

كلها سينات. ده مش اخر اهل الجنة منزلة. ما بالك اخر اهل الجنة الاخير على البشرية في الجنة. تخيل ده يعني! يعني اما اقول لك

مسلا الاخير على الدفعة ده - [00:18:45](#)

قد ايه ده بقى؟ ده عصا قد ايه؟ فييقول له يا رب ما ادنى اهل الجنة منزلة يا رب؟ فقال يا موسى ها اعطيه قدر اعظم ملك من ملوك

الدنيا واحد ملك القارات الستة بالذهب بتاعها ابار البترول بتاعتها. بكل ما فيها. اعطيه قدر اعظم ملك من ملوك الدنيا - [00:19:05](#)

ملك مش عارف جوز البروناي ولا عنده ربعميت عربية فيراري ستميت عربية مرسيدس تلتमित عربية لامبورجيني ومية وخمسين

عربية بي ام ومش عارف ايه البانيو بتاعه ذهب والتراييزة اللي بياكل عليها ذهب. ده ده ملك حنة بتاعة صغنة كده رزاية صغيرة

كده في الكرة الارضية. امال اعظم ملك ملوك الدنيا؟ ومثله - [00:19:25](#)

ومثله ومثله ومثله. ايه ده! سيدنا موسى زهل وعشرة امثاله. قد الكرة الارضية خمسين مرة يا رب قد ملك الكرة الارضية

خمسين مرة يا رب. يا رب فما اعلاهم منزلة. المقصد ان سيدنا موسى زهل عطاء يا اخوانا كرم فوق التخیل - [00:19:45](#)

مهما تخيلت ربنا هيديك ايه لو مشيت في طريقه مش هتفهم. مهما تصورت كرم ربنا فوق التخیل. كرم ربنا فوقك يعني ايه فوقك؟

انتم انتم عارفين لست اكرم بعبد مني كان واحد جايب خروف ورايح يعني ايه في العيد عشان يعني عشان يبقى خروف العيد يفرح

عياله به قبل العيد كده ويدبح - 00:20:05

في العيد فالخروف جري منه من قدام بيته جنبه جار مات وعياله يتامى الخروف دخل عندهم العيال بيحسبوا خروف العيد جا لهم بقى مش فاهمين يعني ايه بفلوس من غير فلوس فرحانيين به. ده خلاهم فرحانيين به. ما هنش عليه ان هو يخضه منهم بعد ما فرحوا به. قال لهم ده انا كنت جايه لكم هدية - 00:20:25

ورجع هو من غير هذا الخروف في نفس اليوم بيحط ايده كده على خروف شكله جميل واقرن واملح كده لقي صاحبه بيقول انا عاهدت ربنا ان اول واحدة هتتشوق نفسه للخروف ده الخروف بتاعه. قال له ازاى لست اكرم بعبد مني في الاثر. الراجل اللي يوم القيامة كفة السيئات - 00:20:45

بسبب نقص حسنة. حسنة وواحد ما حيلتوش غير حسنة وكل الميزان بتاعه سيئات. فلقى الثاني ان هو كده كده ضايع فقال له خد الحسنة بتاعتي انقز نفسك بها وانا كده كده ماشي هتعمل لي حاجة وسط السيئات دي. فيروى في الاثر ان الله قال له ما حملك على - 00:21:05

كما صنعت لست اكرم بعبد مني انت من اهل الجنة. ادخل الجنة انت كمان. يا اخوانا انك انت تعرف يعني ايه ان ربنا اكرم منك هتعامل ربنا ساعتها ازاى ؟ هتعامل مع ربنا ايه ؟ من معاني الخطيرة في اسم الله الاكرم. صيغة افعل يا اخواني. ممكن - 00:21:25
تفضيل يقول لك اغنى فلان اغنى من فلان. فلان ازكى وممكن تيجي بمعنى ثاني. يقول لك فلان مسلا احب. يعني ايه احب ؟ يعني ضهره متني. يقول لك فلان مسلا اشقر يعني ايه اشقر يعني ابيضان وشعره اصفر. يقول لك الفرس ده اشقر يعني ايه اشقر ؟ يعني الفرس هو ايه ده ؟ لما يكون - 00:21:45

صفة يعني فلان احب. يعني ايه فلان اعدم ؟ لما او فلان اهتم او فلان اه كذا وكذا. يعني يعني لما تكون صفة ملازمة ما بتنفكش عنه ليل نهار. وكل ما تشوفه هتشوفها. وبيتميز بها عن البشر كلهم. بحيس لما تقول فلان الاشقر اللي قاعد هناك هنا هو خلاص - 00:22:05

ما عدتش محتاج صفة تانية وبيتميز يعني صفة شهرة يعني ايه ؟ يعني يا جماعة الاكرم اللي لو بصيت لكل افعاله في الكون ستجد كل افعاله فيها كرم. الصفة اللي لا تنفك عن اي فعل من افعال الله صفات الكرم. الكلام الخطير ده نستفاد منه بايه - 00:22:25
ايه ؟ يعني ايه برضه ؟ يعني ايه صفة الكرم لا تنفك عن اي فعل من افعال الله ؟ يعني الذي لا يتوقف كرمه ولا يتوقف عطاؤه. يعني ايه برضه يا جماعة ؟ عايزين المعنى ده لاول مرة بدأت ابص لحاجات في ادعية النبي عليه الصلاة والسلام - 00:22:45
حاجات غريبة واو العطف في ادعية النبي عليه الصلاة والسلام. انا عايزك تركز معي كده والنبي ما بين السجدين. اللهم ايه ؟ بيقول ايه ؟ اللهم هم ايه ؟ اللهم اغفر لي ارحمني اهدني وا - 00:23:05

ارزقني واو عافني واو اجبرني واو ارفعه ايه ده تخيل كده انت داخل على مدير الشغل لو سمحت اديني اجازة وعاييز علاوة ولو سمحت بقى ترقية ولو سمحت هيبقى لك يا عم انت مين انت جاي مين اصلا ولا واحد - 00:23:25
واحد دخل على ابوه لو سمحت يا بابا انا عايز شقة وخذ بالك ان انا عايز اخطب برضو وعاييز شبكة لخطيبتي. وخذ بالك ان انا عايز اتجوز فانا عايز جهاز. ولو سمحت يا بابا انا عايز مبلغ - 00:23:45

كده عشان انا هفتح محل وهعمل تجارة. ولو سمحت يا بابا انا عايز عربية ضروري لان انا محتاج. هيقول لي يا ابني في ايه ! انت بتقول ايه ! انت ما لك داخل عامل كده ليه - 00:23:55

تخيل بقى النبي عليه الصلاة والسلام اللهم اغفر لي وارحمني واهدني وارزقني وعافني واجبرني ايه ده ! اللهم اغفر لي خطيئتي وجهلي واسرافي في امري وما تعلم به مني وما قدمت وما اخرت وما اسررت وما اعلنت. ايه ده في ايه يا جماعة ؟ انا عايزكم يعني في ادعية للنبي كده ادعية - 00:24:05

عن النبي عليه الصلاة والسلام انا عايزكم تعدوا النبي طلب من ربنا كم طلب في دعاء واحد. حد يعرف يعد معي ؟ مين يعد معي ؟ ها ؟ تركز ركزوا معي عد معي كده. ها اللهم اني اسألك ده دعاء واحد. ده النبي رفع ايده كده طلب الطلب ده ونزلها. بس. انا عايزك تتخيل

ابي طالب كم ظهر؟ عدوا معي. اللهم اني اسألك في الآخر واحد يقول لي عدي كم دعاء. اللهم اني اسألك خير المسألة مع كل واو عد لي واحدة وخير دعاء وخير النجاح وخير العمل وخير الثواب وخير الحياة. بتعده؟ وخير الممات وثبتني وثقل موازيني وحقق ايماني. وارفع درجاتي - 00:24:45

وتقبل صلاتي واغفر خطيئتي. واسألك الدرجات العلى من الجنة. اللهم اني اسألك فواتح الخير وخواتمه وجوامعه واوله وظاهرة. بتعد ولا اه فقدت القدرة وظاهرة وباطنة والدرجات العلى من الجنة. اللهم اني اسألك خير ما اتى وخير ما افعل وخير ما اعمل وخير ما بطن. وخير ما - 00:25:05

والدرجات العلى من الجنة. اللهم اني اسألك ان ترفع ذكري وتضع وزري وتصلح امري وتطهر قلبي. وتحسن فرجي وتنور قلبي وتغفر لي ذنبي. واسألك درجات العلى من الجنة. اللهم اني اسألك ان تبارك في نفسي وفي سمعي وفي بصري وفي روحي. حد لسه عارف يעד؟ وفي خلقي وفي اهلي وفي محياي وفي - 00:25:25

في مماتي وفي عملي فتقبل حسناتي واسألك الدرجات العلى من الجنة. سبعة سبعة واربعين طلب في رفعة ايد واحدة. كل طلب منهم طلب الواحد منهم بالدنيا والي فيها. سبعة واربعين طلب رفع ايده كده طلب سبعة واربعين طلب عليه الصلاة والسلام. الاكرم - 00:25:45

عشان تعرف يعني ايه الاجرم. عشان تعرف يعني ايه ان الله لا يتعاضمه شيء. ما فيش حاجة عند ربنا كبيرة. او يستعظمها انه يديها. عشان انت ادعية النبي كلها كده. ده ادعية النبي ده عجائب يا اخي. ايه الايمان - 00:26:15

ده ايه معرفة الله دي؟ سيدنا عمر بن الخطاب معدي فلقى واحد بيقرا في المصحف يا ايها الانسان ما غرك بربك الكريم فقال عمر الجهل اللي غره انه جاهل. لو عرف ربنا مش هيتغر به. لو عرف ربنا - 00:26:35

في كرمه. لو عرف ربنا نعم ربنا مش هتغره برنا. انما هتطمعه في ربنا اكثر. فقال لك الجهل الجهل النبي عليه الصلاة والسلام من الايات اللي تزلزل القلب. ربنا بيقول للنبي ولسوف يعطي آ آ والضحى والليل اذا سجي ها - 00:26:55

ما ودعك ربك وما قلى وللآخرة خير لك ايه؟ من الاولى. انتم فاهمين يعني ايه يا جماعة؟ بعض المفسرين قال لك يعني اللي لسه جاي احسن من اللي فات انت لسة شفت فتح. انت لسة شفت كرم. انت لسة شفت كرم! انا قعدت افكر كده هو يوم ما ربنا قال للنبي لسوف - 00:27:15

ولا الآخرة خير لك من الاولى. كان النبي خد ايه؟ ده شاف جبريل وجالس جبريل وخذ النبوة وبقي خاتم النبيين ونزل عليه القرآن واتصل بالله وربنا نصره بالصحابة. ايه ده! كل ده! ربنا بيقول له وللآخرة خير - 00:27:35

انت لسة شفت كرم؟ اهو دا كلمة الاكرم. على معنى ان الافعال الصفة الملازمة صفة الشهرة. ان باكرم اي الذي لا يتوقف كرمه. ما بيقفش عند حد. ما بيقفش. النبي عليه الصلاة والسلام يقول له اللهم اني اسألك خشيتك في الغيب والشهادة - 00:27:55

واسألك كلمة الحق ها في الرضا والغضب. واسألك القصد في الفقر والغنى. واسألك نعيما لا ينفد واسألك قرة عين لا تنقطع. واسألك مرضى العيش بعد الممات. واسألك لذة النظر الى وجهك الكريم. واسألك في غير - 00:28:15

من رأى مضلا ولا فتنة ايه؟ مضلة. اللهم زينا بزينة الايمان. ايه يا اخوانا ده؟ ايه ايه الادعية الغريبة دي؟ اسألك موجبات رحمتك. وعزائم مغفرتك. والغنيمة من كل بر والسلامة من كل اثم. والفوز بالجنة. والنجاة من النار. ده النبي عليه الصلاة والسلام. ده انت تحس هو عارف يعني ايه الاكرم. عارف يعني ايه كمان - 00:28:35

هوب كمان يا رب ما فيش حاجة اسمها كفاية. جزاء عطاء ايه؟ حسابه قال لك يعني الله لما بيعطي بيعطي فوق الرضا يعني ايه حساب يعني لما اقول مسلا ايه انا عايز فلوس اه فلوس طب خد الخمس تلاف دول الله الله الله ده كتير وخذ الميت الف دول كفاية

حاسبوا اتحاسبوا وخذ المليون دول وخذ - 00:28:55

العربية دي وخذ الذهب ده وخذ في الجنة عطاء حسابا لحد ما انت نفسك اللي بتقول كفاية يا رب. حسبك انما سبحان الله العظيم

الله سبحانه وتعالى يا جماعة ما فيش حاجة اسمها كفاية مع ربنا. كمان يا رب اسم الله الاكرم يعلمك يعني ايه كمان يا رب. كمان

الوواط العاطفة - [00:29:15](#)

الصفة اللي في ادعية النبي عليه الصلاة والسلام بتبهر القلب. كل ده كل ده رجاء في كرم الله. كل ده رجاء في اسم الله الاكرم. عطاء ربنا لا توقف في ايه كمان يا جماعة؟ حد يقدر يقول لي في ايه؟ في كل حاجة بقى. ده انت ده انت هتعيش يا ابني. لو تدبرت في

اسم الاكرم - [00:29:35](#)

مع الجنة. يا سلام! الاية يعني سبحان الله! يمكن الاية اللي ربنا رزقني بسببها ان انا يعني احاول يعني اتلمس كده ما يرزقنا الله اياه في اسم الله الاكرم. مثل الجنة التي وعد المتقون. فيها انهار. من ماء - [00:29:55](#)

يا رب هو فيه انهار يعني من حاجة غير الماء ما كل الانهار من ماء. مين اللي قال لك ان ما فيش انهار من غير الماء؟ ده انت بالنسبة لك انت. وانهار - [00:30:15](#)

ها من لبن اللي ما يتغير طبعاً. لبن هو فيه في الجنة ابقار وبهايم وجواميس وبيجيوا هو انت يا ابني ما تعرفش غير لبن الجوابيس والابواقرا! هو انت في اخرك علبة جهينة انت ما بتعرفش حاجة تانية في الدنيا انت ما تعرفش ان في كائنات تانية لها لبن الز الف مرة واغلى الف مرة يعني - [00:30:25](#)

يقول لك وانهار من غسل! اه الغسل! انت فاكركه الغسل الكيلو بسبعناشر جنيه! اللي مأكليته وبتاع! مش فيه غسل جبلي! وفيه غسل سدر! وفيه ازاء ملكات وفيه انت متخيل الغسل ده غسل شكله ايه؟ انهار من خمر! انت متهاياً لك بقى الايه الازاز دي اللي ببسموها - [00:30:45](#)

البتاعة ديت اللي بتتباع بتلاثة جنيه ديت. ها انهار من يا ابني ده فيه ازاز خمر بعشرين وتلاتين الف جنيه. الازازة حتة البتاع ده اهي. الملوك بس اللي بيعرفوا يشتروها - [00:31:05](#)

انت انت متخيل نوع الخمر ده شكله ايه؟ فلما ربنا يقول لك انهار وانهار وانهار وانا ايه ده الاكرم الذي لا عطاؤه لما ربنا يقول لك ان المتقين فيه جنات. الله! طب يا رب ليه مش في جنة؟ جنات! الاكرم لما - [00:31:15](#)

سبحانه وتعالى جنات ونار. يعني تخيل كده لو انا عزمته على حسابي اسبوع في الهيلتون هتبقى انا كراجل كريم ولا لأ طب لو عزمته على حسابي اسبوع في شاليه كده صف اول في مارينا. طب لو عزمته على حسابي اسبوع في الهيلتون اللي في وش الكعبة - [00:31:35](#)

على طول اسبوع كده عمرة كده على حسابي بالتزكرة. ربنا يا ابني بيقول لك الجنة دي كلها ادخل جنات ونهر وتمتع. ربنا سبحانه لما النبي ثبت في فترة من فترات المرحلة المكية قال له انا اعطيناك الكوثر. كوثر! ده الكوثر ده ينفع انه يتعمل فيه حفلة - [00:31:55](#) تسع الامة من ايام سيدنا محمد ليوم القيامة. تجمع دول كلهم وكل واحد يلاقي له مكان بيستمع فيه على نار الكوثر. ده ده هدية كده. ده ده مش المرتب. ده ده حوافز سبات في مرحلة من المراحل. اومال بقى مكافأة نهاية الخدمة ايه؟ امال باقي المكافآت ايه؟ الاكرم يا جماعة. اللي لما بيدي - [00:32:15](#)

اذا اعطى اذى سيدنا زكريا بيقول لمريم انى لك هذا؟ ازاى يا مريم؟ منين يا مريم؟ وازاي تاخدى العطاءات دى يا مريم؟ اذا اعطى ادهش ربنا يا اخوانا كرم ربنا عشان نعرف يعني ايه اسم الله الاكرم. يعني الذي لا يتوقف عطاءه. يعني ايه لا يتوقف عطاؤه؟ يعني انت تدخل الجنة. ها - [00:32:35](#)

تلاقيني عيب نفسي وسعادة وفرحة ده دي الوحيدة جنة كمان مش كده بس. وتلاقى نعيم مادي وتلاقى زوجتك في الجنة شعرها بس على راسك اهي تبص لك كأنها الياقوت والمرجان. شوية احجار كريمة اتركبت على بعض. يعني لون ملامحها ايه؟ ولون عينيها ايه؟ ولون خدودها ايه؟ واوصافها ايه؟ وشكلها ايه - [00:32:55](#)

ربنا بيقول لك كأنهن كأنهن لؤلؤ مكنون. يعني دي ايه دي! اللي عاملة زي الاحجار الكريمة دي ايه دي! وربنا شف بقى ربنا بيديك وببيديك نعيم شكله ايه في الجنة؟ وطعام وشراب وقصور؟ ده ده كده جنة لسة هو ده ايه غير نعيم الحب؟ انك هتحب وتتحب وربنا

بتحبك والمؤمنين بيحبوك والنبي بيحبك عليه الصلاة والسلام. لسة كل ده. لسة النظر لوجه الله الاعظم من كل ده. وكمان لسة العطاءات الخاصة اللي ربنا بيرسلها لناس مخصوصة في الجنة كده. اخذين ما اتاهم ربهم. ولسه نعيم الحياة الاجتماعية في -

00:33:35

جنة لما الواحد بيقتد يفكر كده في اسم الله الاكرم. وربنا يقول لك ولقاهم نظرة وسرورا واه جزاهم بما صبروا جنة وحريرة. لحد دلوقتي يا جماعة كده خلاص جنة. متكئين فيها على الارائك. لا يرون فيها شمسا ولا زماريرا. ودانية عليهما - 00:33:55
انظلالها وذلك قطوفها تذليلًا. ويطاف عليهم بانية من فضة واكواب كانت قواريرا. قواريرا من فضة تقديرا ويسقون فيها كأسًا. كان مزاجها زنجبيلا. عينا فيها تسمى. ايه ده! ايه الانهمار بتاع العطاء - 00:34:15

يعني ده مش وصف الجنة. ده صورة الانسان بتوصف لك حنة من الجنة. هتيجي في سورة الطرة توصف لك حنة تانية خالص. هتيجي سورة المطففين هتوصف لك حنة تالته خالص - 00:34:35

هتيجي سورة الرحمن هتوصف لك حنة رابعة خالص. هتيجي سورة الزخرف وتوصف لك ايه ده! ايه يا اخوانا ده! الاكرم الذي لا يتوقف وبعد كل ده بعد كل العطاءات دهيت يوم الجمعة اسمه في الجنة يوم المزيد لهم ما يشاؤون فيها ولدينا ايه -

00:34:45

مزيد يجتمع اهل الجنة ويكشف الحجاب وينظرون الى وجه الله. ويقول لهم الله تمنوا يا اهل الجنة. فيتمنوا حتى تنقطع الرغبة ما عادوش لاقبين حاجة يطلبوها. زي ما تيجي لشاب كده. تقول له شبيك لبيك. اطلب. يقول لك نفسي اتجوز. عروسة شكلها ايه؟ ملك -

00:35:05

جمال العالم اهي عايز ايه كمان؟ ما العروسة ديت عايزة قصر. القصر اهو. عايز ايه كمان؟ عايز عربية فور باي فور. العربية اهي. وعربية كمان تانية صغيرة كده هامر عشان تقضي بها المشاعر الصغيرة بتاعتك. وياه كمان؟ وعاييز فلوس عشان اصرف. ادي خمسين مليون دولار في البنك - 00:35:25

اكتب اسمك وياه كمان وعاييز مصدر دخل سابت ما انا هصرف الخمسين مليون دولار هيخلصوا بسرعة. فانا عايز ادي مالتى ناشيونال جروب بتاعتك انت ففي الاخر الشاب ما عدش لاقى حاجة يعملها. فاهل الجنة يسألون حتى تنقطع الرغبة. ما عدش لاقى حاجة يعملها. فحينئذ يفتح لهم ما - 00:35:45

الا عين رأت ولا اذن سمعت ولا خطر على قلب بشر. يعني انتم عارفين معنى كده يا جماعة ان نعيم الجنة تصاعدي يعني ايه يعني في الجنة نفسها الجنة كل يوم جمعة نيولوك. الجنة كل يوم جمعة بيجي فيها اصناف من نعيم ما كانتش فيها قبل كده. فاللي احنا اتكلمنا عنه من شوية اللي كان ادنى اهل الجنة منزلة - 00:36:05

بعد شوية بيبقى النعيم بتاعه يقترب من نعيم الفردوس الاعلى. وبتاع الفردوس الاعلى نعيمه بيرتقي في درجات لا يعرفها الا الله. لا يعلمها الا الله. ده بقى اسم الله ايه الاكرم الذي لا يتوقف عطاؤه. بس الفرق بين عطاء ربنا في الدنيا وعطاء ربنا في الجنة ايه؟ حد يعرف الفرق بين اكرام ربنا في الدنيا - 00:36:25

اكرام ربنا في الجنة ايه؟ حد يعرف الايه؟ اه اه يعني يعني بس في كل صنف الفرق ان في الدنيا انت بتاخذ بسبب. ربنا رتب ان عطاءات الدنيا باسباب. ادعي تاخذ. اعبد تاخذ. ها - 00:36:45

وربك الاكرم اتصل بالقرآن عشان شف الكرم. انما في الآخرة بلا اسباب. فانت قاعد تاخذ بدون اي تعب فانت من انبهار الانبهار. مبهور بكرم ربنا سبحانه وتعالى. اسم الله الاكرم يا جماعة ده اسم يطير العقل - 00:37:05

اسم الله الاكرم اي الذي لا يتوقف كرمه مش في الجنة بس في القبر. تدخل القبر تلاقي الارض بتضمك ضمة حانية. فرحانة ابيك مش بس كده. بعد كده تلاقي الباب اتفسح مد البصر. مش بس كده. وبعد كده تلاقي الجنة بتعرض لك كل يوم مرتين. اصناف - 00:37:25
كده من الجنة بتاعتك مش بس كده. وبعد كده تلاقي في رفيق جا لك يفضل يؤنسك. مش بس كده. لو انت اعمالك الصالحة من

السابقين تصعد روحك الى الجنة ان اصلا في في التي صفها عرش الرحمن. انت متخيل الاكرم في الدنيا. ربنا في الدنيا عطاؤه لا
00:37:45 -

وكرمه لا يتوقف انه كان به ايه؟ حفي حفاوة ربنا في نفس السورة في الاخر سيجعل لهم الرحمن قال لهم روح وانا ودي. ده اللي صام
وقام بس. العشاء! طب سانية واحدة. اللي صام وقام باس والضحي جهد النهار والليل اذا سجي جهد الليل. اللي يعني اللي تعب -
00:38:05

شوية بالليل وبالنهار عشان ربنا ربنا بيقول له ايه ما ودعك ربك وما قال انت فزت بمعية الله. ولا الاخرة خير لك من الاولى تصاعد
الكرامات في حياتك لم يتوقف. واللي انت شفته كل ما هتشوف اكرام جديد هينسيك الاكرام اللي قبله. كانك كنت ما اكرمتش قبل
كده. زي مهدي - 00:38:25

الجنة لما ينظروا الى وجه الله ينسوا اصلا نعيم الجنة كأنهم ما خدوش نعيم قبل كده. ولسوف يعطيك ربك فترضى. يعني بعض
المفسرين قال لك وعد الله في الجنة بالف قصر في الجنة. لسوف يعطيك ديت يعني انت مش متخيل ده انت هتاخذ لحد ما
هترضى. كل ديت عطاءات - 00:38:45

انتم عايشين جهد عباده. عشان شوية عبادة. اسم الله الاكرم. عش معه بقى يوم القيامة. عش معه في الدنيا. شف كرامات الله
للصالحين. شف النبي لما قال مازا انزل ليلة من - 00:39:05
خزائن كل ليلة. اللي بينزل سحاء الليل والنهار. دي نقف معها بعد الاذان بقى ان شاء الله. الكريم عكس ايه عكس البخيل ما شاء الله لا
قوة الا بالله صح بس ده معنى من المعاني. ده لو الكريم صفة فعل. الكريم عكس ايه ثاني - 00:39:15

اللئيم صح؟ اللئيم اللئيم ده يعني المخلط التثام يقول لك حجر كريم يعني ايه حجر كريم يعني خالص ما فيش في اي شوائب
فبيتباع بملايين. صح؟ ها الفلاحين عشان كده علي ابن ابي طالب رضي الله عنه يقول لحفر بئرين - 00:39:39

بابرتين وكنس ارض الحجاز تكنس السعودية كلها في يوم عاصف بريشتين. ونقل بحرين عميقين بمنخلين وغسل عبيدين اسودين
حتى يصيرا ابيضين اهون من سؤال لئيم في قضاء دينك اسهل من ان انا اقف على واحد ليه؟ لان اللعيب بيبيبعك. ساعة ما بتحتاج
له بيبيبعك. عشان كده الكريم لا يمكن يتخلى عنك. لا يمكن يسيبك - 00:39:59

الكريم لا يمكن يسيبك. عشان كده يا اخواني العنب كان العرب بيسموه ايه؟ معنى ده جميل اوي. اوي اوي اوي اوي. ويعرفك يعني
ايه كرم العنب كان العرب بيسموه ايه؟ الكرم والنبي نهى عن كده وقال ان الكرم قلب المؤمن. طب كان العرب بيسموه كرم ليه؟ حد
عارف؟ الز طعم - 00:40:29

العنقود بتاعه اكثر عدد ثمرة بتطلع في عنقود العنب. وما فيش فيه بزر في معزم انواعه والوان واشكال. والشجرة ما فيش فيها
شوك. والشجرة بتاعته شكلها جميل جدا. وسعره رخيص. وتقصه يجيب لهم الايه؟ العصير اللي كانوا عايزينه - 00:40:49
ومش عالية تمد ايدك تقطف البتاع. واطفو سهل واكله سهل. في ايه ثاني في العنب؟ ها؟ كل حاجة في العنب يا جماعة كل حاجة في
العنب في سمبول كامب هي دي يا اخوانا عشان كده من الكلمات الحلوة عند العرب يقول لك جوزه كريمة عارفين الجوز واللوز -
00:41:09

ها يعني ايه جوازة كريمة؟ يقول لك يعني الغشاء بتاعها يعني بسيط. فلما تيجي تكسرها توصل للوزة اللي جواها بسرعة. ما تعبتكش.
سهل انها تديك اللي جواه فالكريم اللي سهل انه يديك. المعنى ده اخطر معنى مقصر في قلبي في النفس كله. السهل انه يديك -
00:41:29

اصل الناس دلوقتي ترفع ايدها يا رب ربنا ما يستجيبش ليه؟ بيبتلينا عشان يختبر حسن زنا فيه. طب حلو جدا ده ابتلاك مسلا في
الدعاء ده والدعاء الثاني بيبتلينا - 00:41:49

برضو انت بتبني بتضحك على نفسك! يا ابني الاصل في الدعاء ان يجاب. الابتلاء يحدس في بعض الادعية. انما ما تضحكش على
نفسك. ربنا سهل انه ربنا يفرح انه يدي. ربنا بيعطي بمجرد التعرض والثناء. مجرد العبادة ربنا بيأمرك بالعطاءات. يبقى - 00:41:59

اسأل ربنا ليه اتأجبت الدعاء بتتأخر؟ انت عندك مشكلة انت عندك مشكلة انت انت اللي عندك مشكلة بقى في معاملة ربنا سبحانه وتعالى انت اللي مش عارف هو تعامل ربنا وتستمطر كرمه. عامل ربنا بقلبك واقبل عليه بقلبك وشف ربنا هيغمرك بكرمه قد ايه.

عشان كده - [00:42:19](#)

الليل والنهار. يعني ايه سحاق الليل والنهار؟ يعني الخير نازل من يمين الرحمن ها؟ يعني سبحانه وتعالى الخير نازل من يمين الرحمن فيضانات بيجري في اللي في طريقه من كتر ما السيل بيبقى في غاية القوة. الخير نازل الخير ده انت - [00:42:39](#)

اسم الله الاكرم. لو انا ادبت لكل واحد ورقة وقلت له اسم الله الاكرم هيقول لي ايه؟ اسم الله الاكرم غير في حياتك ايه؟ تجاربك مع اسم الله الاكرم ايه؟ اللي اتغير في حياتك بسبب اسم الله الاكرم ايه؟ اخواني واحبابي في الله يعني عشان ما نطولش بازن الله

سبحانه وتعالى وعشان نتكلم في التوصيات سريعا - [00:42:59](#)

اللي نخرج بيه من آآ هذه الاسماء الحسنى ونحاول ان شاء الله بازن الله ان احنا نجتهد في موضوع الاسماء الحسنى. لان الموضوع

ده ممكن يغير عبادتك تماما. يعني اسم الله - [00:43:19](#)

اكرم يعني اللي اتكلمنا عنه جزء كده من الكلام المرة دي لان مسافة من المغرب للعشاء قليلة للأسف الشديد الحمد لله يعني اللهم لك

الحمد بس اللي عنده قلب حياته - [00:43:29](#)

هتتقلب مجرد انه يسمع اية واحدة عن ربنا. والله يا اخواني اسم الله الاكرم يحمسك على ايه؟ قولوا لي يا جماعة انتم سخنتوا على

ايه دلوقتي؟ او انت ايه الحاجة اللي انت نفسك تعملها - [00:43:39](#)

ها حمسك على ايه؟ دعاء الله اكبر يفرحك بالدعاء يلهفك على الدعاء سبعة واربعين طلب بدعوة واحدة. رح هات كتاب القحطاني

ويقعد يضحك. اضحك على نفسك. اضحك على اللي ضاع مننا. يا ابني اطلب. اطلب واخ يقول ايه؟ طب النبي ده - [00:43:49](#)

الدعاء ده بالجمع ادعينا بالمفرد عشان ربنا يديني انا. يا ابني ادعي بالجامع زي ما النبي دعا ربنا يديك ويدي للدنيا كلها. طب كل

الادعية دي انا عايز دعوة واحدة بقى يا عم ادعي - [00:44:09](#)

ده النبي بيقول لك اسألك من الخير كله عاجله واجله. اسألك من كل خير خزائنه بيدك. الاكرم يا ابني. سليمان قال له هب لي ملكا لا

ينبغي لاحد من بعدي واداه له. قال لي انا عايز ملك تاريخي متفرد في تاريخ البشرية يا رب. وربنا اداه له. الاكرم اطلب. اطلب -

[00:44:19](#)

قرب لكرم الله. طيب الحاجة الثانية اللي يسخنك عليها الاسم ده ويغيرها فيك. ها الكريم لو انت رحت له بيته ممكن يكلمك عن ديونك عليه الكريم لو انت جيت له بيته ولجأت اليه ممكن يسيبك؟ ممكن يقول لك مش هجيب دعاءك؟ ممكن يردك؟ ممكن يقول لك

زنوبك؟ مش ممكن - [00:44:39](#)

يا اخوانا اللي كان اكرم يبقى نتعلم اللجوء الايماني الى الله. نتعلم بقى ان لما يحصل لك مشكلة تجري اعرف بقى قيمة بيت ربنا.

قيمة اللجوء الى الله والتعرض للفرج. قيمة عبادة اللجوء الى المسجد والتوسل والتضرع - [00:44:59](#)

الى الله حينما تحدث لك مشكلة. لانك بتقول يا اكرم يا اكرم يا اللي مليت الجنة نعيم بكرمك. يا اللي مليت القبور نعيم كرمك يا اللي

مليت حياة الاولياء كرامات بكرمك. يا اللي مليت حياة النبي اجابة الدعاء بكرمك. يا - [00:45:19](#)

اكرم من كل كريم. يا اكرم ممن ضربت بهم الامثال في الكرم في التاريخ. يا اكرم من الخيال والتصور. يا اكرم من كلهم. انت انت

عارف ايه الحاجة الثالثة اللي يسخنك عليها اسم الله الاكرم؟ ايه؟ الانفاق - [00:45:39](#)

لست اكرم بعبد مني. والله يا اخواني انا حسيت ان انا سلوكي النهاردة اتغير خالص. انا حسيت ان اسمي الاكرم غير فيها حاجات

غريبة. يعني يبجي اخ مسلا يعني يعني انا مش بس فعلا الواحد بيتغير. اسماء الله الحسنى يعني انا ما عمري - [00:45:59](#)

حطيت في دماغى ان حد يجي لي البيت مسلا ولازم اخرجه بهدية. النهاردة انا مكسوف. مكسوف ان حد يبجي او يبقى تحت البيت

وامشي به كده. ما حدش شجيلة يا جماعة يعني اقفل على نفسي شوية يعني احسن ناس ماتت مكسوف يعني عايزة يعني -

[00:46:19](#)

انا حاسس فعلا ان على قد ما هتكرم ارحامك وتكرم جيرانك وتكرم الناس وتكرم الصالحين وتكرم الاخوة ومش تكرمهم بفلوسك بس اكرمهم ضحكة وشك اكرمهم بكلمة اهلا اهلا وانت بتحضنهم. واحد اتصل بي وانا ايه كنت زعلان منه شوية انا اهلا اهلا يا انا حاسس - 00:46:39

باسم الاكرم. انا عايز ربنا يكرمني. انا هاكرم بابتسامتي بترجيبي. بدعائك له. بفلوسك بقى لما يبقى معك فلوس يعني ان شاء والله يبقى معك فلوس. ان شاء الله بازن الله انك انت انت تغير سلوك. اسم الاكرم يسخنك على ايه تاني؟ فيه حاجة خطيرة يعني مش ممكن. ده الاية اللي ذكر معها اسم الاكرم اصلا في القرآن - 00:46:59

قرآن اقرأ وربك الاكرم. ليه؟ يا اخواننا يعني المشهد المبهر خلق الانسان من ايه علق بعدها اقرأ وربك الاكرم. ايه علاقة العلق بالاكرم؟ قلت لكم مية وعشرين الف مكون في خلق جسمك اتكونوا في الرحم في التسع شهور. يعني انت كان حوالي - 00:47:19
خمسميت حاجة بتاخذها كل يوم من ربنا. خمسميت حاجة. كل يوم بتاخذها من ربنا. حاجة منهم قلبك. حاجة منهم الاورطة. حاجة من القناة اللي اللي ما بين عينيك وانفك. القناة الدمعية دي. حاجة منهم جفونك. حاجة منهم نخاعك الشوكي - 00:47:39
حاجة من انت متخيل حاجة منهم صوابك. حاجة منهم انت متخيل يعني ايه؟ انت متخيل حاجة منهم لون عينيك. حاجة منهم انت متخيل اكرام ربنا ده انهيار. انهيمار. فانت عايز بقى اللي حصل معك في الرحم يحصل تاني. فيه رحم تانية - 00:47:59
هو مدارس القرآن في الدنيا. الرحم الثانية مدارس القرآن. لو عشان كده اسم الاكرم في الموضوع بتاع اول سورة اقرأ يلهفك على العلاقة بالقرآن. وشف بقى مش خمسمية عطاء كل يوم. شف العطاءات اللي تنتمر عليك. اسم الاكرم يغير ايه في مشاعرك؟ يحسسك بايه؟ يعني انت عايز - 00:48:19

الفرح بالله. فرحان الحمد لله يا رب ان انت ربنا. انا ربي دي صفة واحدة من صفاته. يا جماعة الكرم ربنا له ثلاث صفات متعلقة بالكرم. حد يعرف يلومني؟ الكريم ها ما غرك بربك الكريم؟ الثانية؟ الثانية الاكرم اللي احنا بنقول - 00:48:39
قلها اقرأ وربك التالفة الثالثة ذو الجلال والاکرام. التالفة في القرآن التالفة في القرآن. واجاز العلماء ان تدعو بقولك يا اكرم الاكرمين. يا اخواننا الموضوع كبير والمعنى كبير. طيب من - 00:48:59

من سمار اسم الله الاكرم ايه برضو؟ ها؟ الشوق للجنة. الشوق للمكان اللي انت بتاخذ فيه الاكرام بالاسباب ما انتاش محتاج بقى من غير اسباب بتاخذ الاكرام. والزي لا يتوقف. الاكرام فيه عند حد. يوم المزيد كل جمعة الجنة - 00:49:19
كلها بتتغير فيه في النعيم اللي فيها. آآ ايه تاني؟ لو حد منكم قال سمار الاسماء الحسنی خمسة ستة سبعة تمانية. يا جماعة سمار الاسماء الحسنی اقسم بالله لا حدود لها ولا حصر. اسماء الله الحسنی هتغير صلاتك. هتقلب لك صلاتك. شفم احنا يعني الواحد - 00:49:39

قرأ وسمع دروس قد ايه عن الخشوع في الصلاة. عمر خشوعك في الصلاة ما بيبقى زي لما تسمع عن ربنا وتقف تصلي بين ايديك. لا يمكن مفتاح الصلاة اتدرون بين يدي من اقوم؟ لو عرفت ان الصلاة دي الاكرم بيقتضي لك حوائجك بسببها. انك واقف بين يديه العظيم. حياتك هتتغير - 00:49:59

صيامك هيتغير. زكرك هيتغير. قلبك هيتغير. روحك ونشاطك وحماسك. نومك هيقل. سماعك للادب واقبالك وتلبية النداء هتتغير. حرك وعمرتك هتتغير. اخلاقك هتتغير. نفسيك هتتغير. همك هيتغير حياتك هتتغير اهدافك هتتغير. اسماء الله الحسنی باذن الله سبحانه وتعالى. الاسبوع الجاي بازن الله نحاول نعيش مع اسم تاني من اسماء الله الحسنی. بازن - 00:50:19

بسم الله ربنا الكريم الحاجة اللي انا عايز اقولها بقى في دقيقتين استأذن بقى يعني اخوانا معلش وكنا هنتأخر عليهم آآ الوقت يا اخواني في الله آآ بازن الله بصوا يا اخواني - 00:50:49

عايزكم تركزوا معي. مركزين جدا؟ لأ ركزوا اكثر من كده. ايوا كمان. انا عايز مستوى تركيز عالي جدا معي. بصوا يا جماعة عايز تعرف ربنا مش هتعرف ربنا انك تسمع عنه بس. فيه حاجة الدين عملها اسمها بيئة ايمان. من غير بقية ايمان. والله لو موت نفسك ما انت - 00:50:59

توصل لربنا الا ان يشاء الله. اهل الكهف عملوا الكهف بقية ايمان من غير بقية ايمان مش هتقدر. يا بني اركب ايه؟ معنا يعني اما تركب هتلاقي ايه؟ هتلاقينا مش هنخلع. مش هيبقى بيني وبينك تراييزة واقول لك اتق الله وبعد الدرس تيجي تجري ورا الشيخ -

00:51:19

الايه؟ ما تلاقيش الشيخ بس انا ما عدتش عايزك تجري ورا الشيخ بقى. انا ما عدتش عايزك بعد درس تيجي نروح للشيخ. عارفين ليه؟ لان عقدة الشيخ دي من الحاجات اللي دمرت الاخوة - 00:51:39

واخوات ترتيب الدين مش ان يبقى فيه يا جماعة ناس كده بقى يا شيخ ما تسبنيش يا شيخ اسيبك فين يا ابني يا ابني انت يا ابني لما عامل بيئة ايمان منا والدين ما عدش هيبقى كلام حياتنا هتتغير كلها. انت ما عدتش هتحتاجني اكثر من الدرس ده واستشارات معينة. انما انتم لما هتمتحنوا - 00:51:49

مع بعض لما هتنصهروا مع بعض لما هتتعرفوا على بعض يا جماعة وتلاقوا ان ده هو بيعلم فقه وده هو بيعلم عقيدة وده بيعلم تجويد وده هو بينزل جولات وادعوا نشيط في الدعوة الفردية ودعوات في العمل الخيري ما شاء الله وكتاب الله انت يا ابني هتلاقي مدرسة الصحابة اتربوا على ايد بعض زي ما اتربوا على ايد النبي - 00:52:09

عليه الصلاة والسلام. عشان كده يا جماعة احنا هنعمل اختراع جديد بعد الدرس اسمه ورش العمل. هنتفتح ورش. عارفين احنا سميناه ورشة ليه كان ممكن نقول جلسات. كان ممكن نقول عواميد زي ما كنا نقول لك عارفين سمانا ورش ليه؟ لان انا عايزك تطلع صنايعي. انا عايزك تطلع متكحرت - 00:52:29

انا عايزك تطلع تعرف تعيش بالدين برة الجامع دهو. فهنعمل ورش عمل بازن الله اخوانكم موجودين معكم. والفكرة بادئة النهاردة بداية بسيطة على قد ان اول ما هنصلي العشاء فورا بازن الله. مش عايزك تيجي لي ولا تعبرني خالص. هتلاقي اخ من اخوانك حواليك ها سبعة تمانية كده ولا تسعة عشرة تتلموا - 00:52:49

حوالين بعض يعني جنب اقرب اخ لك من الاخوة اللي هم يعني آآ ماسكين الورش دهيت وهتبدأوا تعملوا حلقات تعارف حلقات حب الحلقات دي افرض نمر بعض افرض انت عندك مشكلة وعايز تجيبني. هتعرف تجيبني ولا لا؟ هتتصل به هو ممكن يوصل لي صح ولا لا؟ طب افرض انتم يعني ناس نشطاء ما شاء - 00:53:09

الله ومجتهدين وكده ممكن تيجوا نتقابل مع بعض برة برة الدرس خالص. نقعد مع بعض كده ايه لو فيه مشاكل لو فيه حاجة محتاجة كفتح قلب يبقى فيه قناة للتواصل بينا وبين بعض. طيب افرض انتم بقى فاهمين اكثر وعارفين يعني ايه حياة اجتماعية بين ملتزمين. هتتصلوا ببعض في وسط الاسبوع - 00:53:29

تعالوا اما نروح ناكل بليلة في اجل مسلا يعني. ايه المشكلة؟ ايه القضية؟ دا حاجة لزييزة جدا. ها تعالوا اما نروح اه يعني تعالوا يا مروان امبارح كنا عاملين حفلة شوي. بفضل الله يعني. فكان يعني بعض الاخوة كده رايح يجيب الحصر اللي هنقعد عليها. فهو احنا بنجيب الحصر - 00:53:49

لقيت تراييزة بنج فلقيت ارنوب البنج اتوبيس البنج فاضية يا رجالة. والاخوة واقفة يا عيني وبعض اخوانا من الدعاة يا عيني جم ويعني والدنيا مستنياني ما قدرتش اقاوم والله ما يوعدنا نلعب بنج شوية وحاجة حياة بتاعة الاخوة يا جماعة جميلة. انا نفسي تعيشوا الحياة الجميلة دي. نفسي تفهموا قيمة بعض. بطل بقى يا عم الشيخ - 00:54:09

يا ابني انت مش عايش يا ابني! يا ابني انتم مع بعض حبينا نعمل دوري كورة في الدرس. ايه رأيكم؟ كل ورشة فريق يلا اما نعمل دوري الكورة ونشوف مين الفريق اللي هيكسب. خلاص حبينا آآ نعمل يعني بقى فيه حبينا نعمل معسكر نعمل رحلة. ها ان شاء -

00:54:39

بازن الله يعني يعني في حاجات يعني ان شاء الله بازن الله ناويين نعملها كثيرة. واحد من المجموعة دي غاب ما يضعش بقى. يلاقي اللي بيتصلوا به ورايحين له بيته - 00:54:59

ما لك سلامتك عنده مشكلة يقفوا معك. نحقق الدين يا جماعة. نحن لا نملك من دين الله الا كلام ما عندناش واقع نبدأ نعمل واقع. نبدأ

نعمل واقع. طب هدف الورش دي ايه؟ هدف الورش دي يا جماعة احنا مش بنعمل آآ يعني ايه؟ مش بنعمل مسلا ايه - 00:55:09
آآ لا احنا بنتواصل احنا بنطبق دين ربنا. ببساطة بحب باخلاص نبدأ نبني بيت ايمان. طيب في وسط الاسبوع درس دكتور عبدالرحمن
الصاوي هتلاقى الاخ بيتصل بكم يلا على الدرس. لقيت واحد يزكرك صح ولا لأ؟ طب انت طلعت - 00:55:29
الله عندك فائدة وتعرف تشتغل في حاجة. الاخ ممكن يبلغني مسلا او الاخوة لان الموضوع هيزيد يعني ان شاء الله يبلغني. فوراً نبدأ
نايه؟ نشغل مع بعض في الدعوة الى الله - 00:55:49

طب انت عايز تطلب علم؟ اه وممكن فلان الاخ ممكن يربطك بحد تطلب معه علم. يعني والنهارده بازن الله الموضوع زي ما باقول لكم
بيبدأ بصورة بسيطة ان شاء الله ممكن من اول - 00:55:59
مرات جاية بازن الله يبدأ الموضوع يبقى الورشة ماسكها اتنين. يعني بحيس ان يبقى فيها معاني تربوية حقيقية وفيها آآ ونتقابل في
وسط الاسبوع دروس مع بعض. آآ نصحي بعض لقيام الليل. مش نفسكم يا جماعة في الواقع ده. نفسكم في الواقع ده - 00:56:09
مش نفسكم يا اخوانا ان احنا بدل ما انت قاعد كنوز يا ابني اقسم بالله انا عارف نص اللي قاعدين دول. نص اللي قاعدين. انا عارف
نص اللي قاعدين. اقعد يا حبيب قلبي. انا عارف - 00:56:29

اللي قاعدين. نص اللي قاعدين دول كنوز. اه ان شاء الله. انا عارف نص اللي قاعدين دول اخوة كنوز. ما شاء الله في كتاب الله. انا
وانا اخ ادمك صغير طالب يعني والله يا اخواني انا كنت بقعد مقهور اطبق الكلام اللي بسمعه في الدرس ازاي؟ عايزين تطبقوها
تطبقوها مع بعض. يعني - 00:56:39

انجح طريقة في العالم لعلاج المخدرات هي ايه؟ حد عارف؟ قالوا الاول نعمل سحب تدريجي للمخدرات فشلت. قالوا طب ندي له
جرعة بسيطة ما لهاش اسار جانبية من المخدرات فشلت. قالوا طب ندي له مواد كيميائية تضرب المخدرات في دمه فشلت. قالوا
نسجنه فشلت - 00:56:59

قالوا نكلمه عن المخدرات واطار المخدرات فشلت. عارفين انجح طريقة في العالم نجحت في علاج المخدرات ايه بدأوا يعملوا
يجيبوا فيلا بجنية كبيرة ويأجروها. ويجيبوا المدمنين ويجيبوا المعالجين يعيشوا مع المدمنين فيها اربعة وعشرين ساعة. ويجيبوا
المدمن - 00:57:19

يخرجوه من البيئة الفاسدة اللي كان فيها اللي اتحول فيها المدمن والحرامي والكذاب والخاين ومراته سابته وخلعته وولاده وكرهوه
وابوه وامه ندموا قالوا يا ريتنا ما كنا خلفناه. والناس خافت منه. خاتوه بقى بقى. خطوه في بيئة ثانية. معه معالجين اربعة وعشرين
ساعة - 00:57:39

للمدمن واحد اندر كول زي نائب الطوارئ. لو المدمن في اي لحظة بعد ما خرج حس انه هيشرب يتصل. بناية الطوارئ فوراً. مفروض
الشاب الجديد لما يقعد في الحلقة ديت يبقى يعرف اي حد من اللي يستريح لهم في الحلقة انه جديد. اول ما يبدأ نفسه هتحدثه
بعادة سرية نفسه هتحدثه. بدخول على - 00:57:59

اقع فيه واحدة بتكلمه فوراً يتصل بالاخ فوراً نائب طوارئ. عارفين الطريقة دي يا جماعة؟ يعيشوا مع بعض يبدأوا يتعلموا يعيشوا
ازاي مع بعض. يبدأوا يقعدوا جلسة فات ايمانية او جلسات يعني في التفكير مع بعض. يبدأوا يبدأوا الطريقة دي انجح طريقة في
علاج المخدرات في العالم. اسمها عارفين ليه؟ لانه عمله - 00:58:19

من بيئة بديلة فهموم ان الفساد اللي فيه واقع الشباب لا يمكن هيعالجوا كلام مش هيعالجوا درس سخن. مشكلة الشاب اللي بيزني
الوقتي مش درس سخن يا جماعة. ولو درس سخن حل مشكلة شاب مش هيجل مشكلة الباقي. عشان - 00:58:39
كده احنا مش عايزين نركز على ان درس احنا عايزين مشكلة الشباب دين يلاقوا بيئة. طب لو احنا عملنا ورش العمل دي والتحمنا مع
بعض وعرفنا بعض وانتم عرفتم بعض - 00:58:59

انت متخيل لو جه شاب جديد هيلاقى حضانة ولا لأ؟ هيلاقى ناس معه طول الاسبوع ولا لأ. هيلاقى بيئة جميلة ولا لأ هو ده اللي احنا
عايزين نعمله. عايزين نعمل انجح طريقة في العالم لعلاج الشباب. انجح طريقة في العالم لعلاج ادمان المعاصي. انجح طريقة في

قبل التغيير بيئة الايمان. اللي هنبداً ان شاء الله مع بعض نعملها واحدة واحدة. بعد العشاء فوراً ان شاء الله بازن الله في حوالي عشرة من اخوانكم بازن الله على الاقل موجودين وسطكم مندسين وسطكم ها كل واحد اول ما هتخلص - 00:59:29

يعني وانا عارف اخواني ما شاء الله وكتاب الله برضه يعني مسلاً لو الدكتور احمد او كده يعني لو فيه حد ثاني برضه وحس ان فيه يعني في النص فيه ناس ما معهاش حد يقوم قاعد معها - 00:59:49

فوراً باذن الله سبحانه وتعالى وانا اول ما اصلي العشاء ان شاء الله بالعصاية وهانزل وسطكم ان شاء الله بازن الله. ها وهنبداً بقى نشوف هنعمل ايه. الحاجة الثانية يا اخواني آآ لو اتكلمنا عن الاسماء الحسنی احنا الفترة اللي فاتت كنا بنتكلم عن القرآن والتفسير. فانا خايف ان احنا نبداً نبعد عن التفسير رغم ان كل كلامنا في الاسباب - 00:59:59

الحسنی بفضل الله من القرآن يعني ان شاء الله. ان انا خايف ان احنا نبعد عن ان احنا نمسك خمس ايات ونتكلم عنهم. ايه رأيكم

نعمل في وسط الاسبوع ليلة قرآنية - 01:00:19

ساعتين بعد العشاء نتقابل في مسجد يكون مسجد ايه؟ يعني يكون في وسط البلد شوية برضو. آآ بس يكون اصغر من هنا شوية ونتقابل نصلي العشاء مع بعض. وآآ نشرح جلسة قرآنية مع بعض بس بصورة خاصة بقى. يعني مش بصورة عامة مفتوحة زي كده

بصورة للي عايز يرتبط بالقرآن بصورة اعمق - 01:00:29

بعد كده نقف كل واحد يمسك مصحفه يصلي بها يصلي ويعيش معها او نصلي مع بعض يعني سواء اذى او سواء اذى ونبدأ نتربى بالقرآن في محض قرآني. ايه رأيكم في الفكرة دي؟ يعني مين اللي متشجع ان احنا لو عملناها الاسبوع ده بيجي؟ ها؟ طب كويس

جدا. يعني بفضل الله فيه يعني ايه؟ فيه اه - 01:00:49

عدد كافي جدا انا عارف ان بفضل الله يعني نص اللي موجودين على الاقل نفسهم ان هم يتربوا ويرتقوا والجرعة بتاعة ساعة في

الاسبوع مش هتبقى كفاية. احنا انا باعمل ايه الوقتي - 01:01:09

في حد فاهمها بعمل ايه؟ بنعمل ايه؟ بنبدأ نكون بيتيمان. الحلقات ده مكون. الدرس ده مكون. يوم الاثنين ان شاء الله العشاء هيبقى اللقاء بتاعنا القرآني ان شاء الله الاثنين الجاي ده والعشاء مكون ان شاء الله هنحاول نعمل معسكر قرآني مكون ثاني. واحدة هنعمل

دوري كورة مكون ثاني ما هو بيقفل - 01:01:19

كل حاجة. يوم الاثنين هنصلي العشاء مع بعض. في مسجد ايه بقى؟ لا لا لأ مسجد الصديق الشيخ احمد جلال يوم الاربع يوم ايمان ليلة ايمانية ده موضوع تاج. يوم الاربع في مسجد الصديق الشيخ احمد جلال عامل ليلة يمنية. ان شاء الله بازن الله يعني ان شاء الله

غالبا هبقى معه فيها. بازن الله سبحانه وتعالى. واخواتنا برضه يوم الخميس - 01:01:39

في يوم ايماني للاخوات في مسجد الصديق. للاخوات مش للاخوة. للاخوات. ان شاء الله برضه هبقى مع بعض. انما لأ انا بتكلم في حاجة ثانية ملحقة بهذا الدرس ليلة قرآنية يوم الاثنين العشاء. الاثنين مش المغرب عشان المغرب هبقى صايمين نفطر ان شاء الله.

الاثنين العشاء. في مسجد ايه بقى - 01:01:59

لا يعني يعني مسجد الصفطاوي بازن الله سبحانه وتعالى. خلاص والنساء برضه اللي عايزة تيجي تيجي خلاص ان شاء الله بازن الله والله واحدة واحدة بس انا مشكلتي مع الاخوات ان لسة مش ما اعرفش اخوات معينين يعني يبقوا واصلة بينا وبين الاخوات تحت.

ان شاء الله اول ما ربنا يرزقنا بهم ان شاء الله ننطلق - 01:02:19

معهم تحت بقى. بازن الله نعمل لهم كل النشاطات دي والعواميد دي. بس لسة يعني ايه آآ لاسف مش عارف يعني ايه آآ يبقى معنا

فريق نسائي زي ما معنا فريق - 01:02:39

ان شاء الله ربنا يرزقنا يعني ان شاء الله. آآ لو فيه اخوات يعني مستعدين او عندهم درجة من النشاط يحاولوا يوصلوا لي باي

طريقة. انا ما اعرفش اوصل لهم انا ازاي. انما - 01:02:49

ان شاء الله ممكن يحاولوا يوصلوا لهم. آآ يوم الاثنين العشاء في مسجد ايه؟ مسجد الصفطاوي. بازن الله سبحانه وتعالى هنصلي

العشاء هناك. آآ نقعد مع بعض ساعتين كده بازن الله في جو - 01:02:59

ايماني في جو قرآني آآ انا اسف آآ ان انا طولت يعني لم اكن اتمنى والله يا اخواني ان انا اطول عليكم. ما بين الاذان والاقامة. آآ ما

تقول ياد ما طولتش ولا حاجة - 01:03:09

وي خويا ما تقول يا عم انت يعني لو خطة بينها بركة الغمادة قام ايه يا عم في ايه يا عم انتم مش مش سلفيين ولا ايه؟ ربنا
يحفظكم يا اخواني ان شاء الله بعد فور صلاة العشاء تبدأ ورش العمل باذن الله. سبحانك اللهم وبحمدك اشهد ان لا اله الا انت.

استغفرك واتوب اليك - 01:03:19

- 01:03:39